

أمل



شعر
محمود رشوان

أمل..

شعر

محمود رشوان

أمل ...

محمود رشوان



رقم الإيداع: 16483- 2023

الترقيم الدولي: 7-6829-94-977-978

تصميم الغلاف للفنانة / منى شومان

إن الآراء الواردة في هذا المصنف لا تعبر بالضرورة عن آراء
وتوجهات الناشر وإنما تعبر عن رأي المؤلف فقط.

يمنح نشر أو نسخ أو ترجمة هذا المصنف أو جزء منه بأي وسيلة
تصويرية أو إلكترونية أو ميكانيكية بما فيها التسجيل
الفوتوغرافي و التصويرية أو التسجيل على أشرطة أو أقراص مضغوطة أو أي
وسيلة نشر أخرى بما فيها المعلومات واسترجاعها بدون إذن
كتابي من المؤلف طبقاً لقانون حماية الملكية الفكرية رقم 82
لسنة 2002 والقوانين المماثلة لها.

الإهداء

لي .. إبتسامة أمل .. التي أزاحت أستار اليأس
لي .. لسان صادق .. لم تلوثه الأكافيب
لي .. عيون تحرك براءة لا يشوبها المكر والخداع
لي .. قلب صاف .. يحب ..
لي .. ملاك عائلة رشوان ..

يوسف رشوان

دموع خلف جبال الحزن

" تخليد واهداء للشاعرة فاطمة الزهراء "

إفتكرت انى نسيت
طعم أيام السهر
افتكرت انى لقيت
قلبي من بعد السفر
افتكرت انى بنيت
عرش فوق ضى القمر
عشت اخدع نفسي
لكن ..
إسمها جوايا ساكن
أحلى أسماء البشر
كنت فاكر إنى نوح
والسفينة هى حبك
وإنى أروح ..

مهما اروح
روحي ساكنة ..
جوه قلبك
كنت عاشق والله صادق
بس عاشق .. قلب خان
والنهايه لقيتني وحدي
وحدي غرقان في الطوفان
آخر طريقى معاكى كلمة
راح تكون بر الأمان
قلبي عاش في هواكي راهب
جوه معبد .. للشيطان
أحلامي كانت بين إيديها
دلوقتي هي بين إيديه
وأعمل إيه
يحضنها .. هي تبتسم
وانا قلبي وحده ينقسم
يصرخ .. وينزف .. أو يموت
ولا حتى قادر ع السكوت

ولا حاسه بيه
أرسم بدمعى بسمتي
واقول عليها .. دموع فرح
وادارى نارى وحسرتي
جوه الفؤاد اللى إنجرح
مبروك عليكموا الدبلتين
منقوش عليهم .. إسمكم
وان كان على حب السنين
قلبي اللى مات .. بيحبكم
واناديها ..
تنادى غيري بعينيها
واداويها ..
تدوس على جرحى بايديها
وينزف نار ..
شوق ومرار
ولوح أختار ..
أجافيتها ..
واعاتبها ..

واحلفها بملامحها
واحاسبها ..
وتترجاني أسامحها
وأناديها ..
تنادى غيري بعينيها
كتب القدر قصة هوى
لكن .. نسي النهايه
قلبين على كف الفراق
.. وأدى الحكايه
كان الولد يعشق كلامه وغنوته
فارس على حصان الخيال
وسلاحه ورده
وضحكته ..
جواه أنين ..
شاعر حزين
يجمع دموعه من السنين
يخلق قصيده م العدم ..

تنسى الألم مع بسمته
والبنت .. آه على حسنها
كان ابن مین یوصل لها
عیونها حزن الأم فی لیل المطر
برموش حنان ..
لكن سیوف وقت الخطر
لجل الحبيب اللی ساکن قلبها
آآه یا قلم ..
مین راح یصدق کلمتی
إن الألم ساکن فی قلب ضحکتی
قدری غریب ..
أعشق حبيب ..
مرسوم على إيديہ الصلیب
ماشى فی طریق غیر سکتی
بعد إذنک یا حبيبتي
سامحی قلبی لو ناداکى
غصب عنى إختارک انتى
وابتدا .. یحلم معاکي

بعد إذناك .. تانى ح اكتب
بين سطور الحب اسمي
بعد إذناك .. ألكى ح اوهب
كل ما اتمنيت لنفسى
وان وصفناك ..
ببى ح اكذب ..
اننى فوق شعرى ووصفى
هى دى أول حكايتى
بعد إذناك .. يا حبيبتى
وابتديت اعشق عينيكى
اللى ساكنه فى السحاب
وابتديت ألمس ايديكى
حتى لو كانت سراب
قلبى دقاته تناديكى
ليه بترضى بالغياب
واننى وسط الموج جزيرتى
بعد إذناك يا حبيبتى
اكرا لما عينيكى قالت

بكرة نتقابل أكيد
يومها عيني عليكى مالت
نفسى بيقى مش بعيد
وإتقابلنا صدفه .. كانت
عند قلبى احلى عيد
عيد هوانا يا اميرتي
بعد إذناك يا حبيبتي
وعدى شهور ..
وانا لسه بحن إليه
وقلبى ف الصباح يناديه
كما العصفور ..
وعدى شهور ..
واقول بكره راح انساه
ويجي الصبح وألقاه
عيونه الشمس ورموشه
خيوط من نور ..
وعدى شهور ..
لكن والله ما ح ارجعلك

ولا تاني راح اسمعك
وعودك كذب .. وملامحك
شيطان مغرور ..
وعدى شهور ..
وهبتك كل أحلامي
زرعت الآه فى أيامي
وسبتني وأيامي
خراب مهجور
وعدى شهور ..
وعدى شهور .. وح أتحمل
ومهما البعد ما يطول
ما اعود لعيون بتخدعني
جرحتيني .. وانا عاشق
وختنيتني .. وانا صادق
وعنك .. حبي يمنعني
اكون خاين .. كما كنتي
وأقول بالكذب يا حبيبتى
ولو حتى تصدقنى

حوار مع القلب

أشتاق لبسمة شفنيكي

أشتاق إليكي ..

أشتاق لنظرة عينيكي

لحنان يديكي ..

وآمالى فوق رمالى قصور

وتمر ساعات البعد شهور

قلبي المقهور ..

يصرخ بظلام الليل

النور ..

أتشرق يوما فى ظلماتى

وتنسى لون الليل حياتي

قلبي العصفور ..

سترفرف رغم عناد الرياح

وتنير جناحاك المصابيح

وتعود حزين ..
لم تجد الحب مع الاطيوار
لم تشرب من ماء الانهار
تتعجب منى ..
تسألني ..
من جعل شعاع الشمس
ظلام ..
من جعل خفقاني
أوهام ..
تسألني بأحرف مسمومه
تجری بعروقي تمزقها
تتناسى من هي مرسومه
بين ثناياك .. وتعشقها
قلبي المغرور ..
لم تحني جبينك لإمرأة
لم تعرف عينيك دموع
أحببت اخيرا .. لا تخجل
وتظن نجوم الليل شموع

يا قلبي ..
لم تخرج يوما من صدرى
أسألك العودة إليه الآن ..
لم تخلف لى يوما أمرا
فلما تتباهى بالعصيان
سبيت خفقانك امرأة
كيف .. انت من الرهبان
أم أصدر لك ملكا امرا
فظننت العشق هو الإيمان
إحذرف الحب عبوديه
يجعل من ليالك قضبان
ارجع يا قلبي إلى دربي
وإسألني الصفح والغفران
ادخل محرابك فى صدرى
إتلو .. صلوات النسيان
ما ذنبي ..
لا أعدوا كوني قلب رجل

يأمرني أذهب حيث يريد
وأردت مكانى فى صدره
مع قلبه أنبض عنك بعيد
ما دمت أمرتك أن تذهب
فإلى الآن .. أمرت تعود
فأجاب حزينا .. لن أفعل
لإرادة كل البشر حدود
اشتاق لقلبي بيديكي
اشتاق إليكي ..



أسماء .. عووة الروح

وطلبتها ..

بأيدي أيوه طلبتها

ردت عليا ..

سمعت صوتها عرفتها

هى اللى ساكنه القلب والروح والخيال

هى الحياه .. هى الحقيقه .. والمحال

كانت حياتي أرض بور

وصوتها جاني بالمطر

بين الحياه والموت بدور

كأنى فى رحلة سفر

لكن ف لحظه سمعتها

وعرفت إنى وإنها ..

مالناش علاقه بالبشر

وانا كنت فاكر انى عايش بعدها

وانا كنت فاكر انى عاشق بعدها

ح اعشق واعيش

.. ازاي ومين

انا قلبي وخداه من سنين

ومكانه سابت كلمتين

الأرض دى .. ملك القمر

.. من حقها

تملك حياتي بحبها

.. من حقها

لما تنادى أرجع لها

.. من حقها

تحلم بفرح

.. من حقها

نفرح ولو قلبي انجرح

.. زى البنات

احلامها عايشه ف قلبها

.. تحلم ب بيت

.. وولد وبنت فى حضنها

وإن كان عليا سامحتها
من قبل ما اعرف عذرها
ليه العجب ..
هو السماح من غير سبب
أبدا ..
ده ليه مليون سبب
كفايه إنني بحبها ..
في احلامنا .. بنينا قصور
تحرسها بنات الحور
شموع من نور ..
تنور لنا ليالينا
وباب مسحور
ما يعرف غير خطاونا
بنيت عرشك على كتافي
اميرتي .. نامي ما تخافي
انا سهران بسيف بنور
في احلامنا .. بنينا قصور
في أيامنا زرعتي الآه

هوانا عليل .. كسرتي دواه

وانا وياه ..

بنتألم على آخر أمل لينا

خلاص ضاعت أمانينا

دموعى بحور ..

ومركب حبي غرقانه

حزين .. مقهور

لحد ما ألاقى إنسانه

بتفهم الهوى ومعناه

تداوى جراح

زمن عشناه

أنا وقلبي ..

لحظة وضوح مع نفسنا

نسأل .. نجابوب بعضنا

لو كان هوانا يهمنا

بببيعه ليه ..

بعد الألم من الفراق

دقنا الحنين والاشتياق

خسرنا .. فاز الكبرياء
كسبنا ايه ..
غير حسرة تسكن عمرنا
وقلوبنا .. تسأل عننا
ده احنا قتلنا حبنا
.. ونبكي عليه
إنكتب فوق الجبين
للعمر .. أحلامه وآماله
اتخلق قبل الجنين
للقلب .. أهاته وآلامه
السكوت .. قبل الكلام
الوداع من غير سلام
والدموع ويا ابتسامة حب
لسه بيتولد ..
والفراق ساكن ف قلب
الوعد لما بيتوعد
الخداع .. قبل الغرام
البارود .. قبل الحمام

الثمر قبل الشجر
الرجوع قبل السفر
كل ده وقادر تخون
شء غريب .. طبع البشر



هالة

سهران فؤادي بيناديه
خايف من الاحزان عليه
من آه تخرج من شفائيه
او دمعه تهرب من عينيه

خايف عليك م الدموع
تجرح خدودك ياحياتي
او تنطفى ف ليالك شموع
نورها آمالي وذكرياتي
ياريتني جنبك يا حبيبيه

كنت افديكي بحياتي
بس الكلام ح يفيد بايه
خايف من الاحزان عليه

ازای فی یوم ح اقدر أنام
اعیش .. واکون زى البشر
وامیرتی فی بحر الألام
مستنی ترجع م السفر
أحضنها .. تنسی حزنها
وأداوی همی وهمها
جوه الفؤاد اللی إنفطر
یحلم بیوم ترجع إلیه
خایف من الأحزان علیه



ما تصدقش

ما تصدقش ..

ان الحياه من غير عيونك ما تساويش

ما تصدقش ..

انى بعدك مستحيل ح أقدر أعيش

ان وصفت عينيكى شمسي

والقمر كان ع الجبين

واني فاكرك مهما تنسي

حتى لو طالت سنين

وان اخلاصي ف هواكي

طول حياتي ما ينتهيش

هو ده طبع الأحبه

إسمعى وما تصدقش

وان حلفت يوم بحبي

ان عمرى كله ليكي
والحياه طول ما انتى جنبى
جنة مرسومه ف عينيكى
والسنين وياكى غنوة
لحنها .. ما يتنسيش
هو ده طبع الأحبه
إسمعي وما تصدقيش
ولا اقولك .. صدقيني
وبعيونك .. إسأليني
ليه عيوني بتناديكى
حتى وانتى بتبعيني
ليه انا بعشق لقاكى
وانتى دايمآ تهجريني
لسه بتتنفس هواكى
وانتى عنه بتبعدينى
ان جاوبت انى بحبك
وان كل أملى ودك
وان مهرك لو حياتى

ادفعه .. وما يهمني
هو ده طبع الأحبه
مهما أقول .. ما تصدق
الليل سهران
مشغول حيران
ماهو قمره بعيد
وعليه قلقتان
الليل بي فكر
يمكن يتأخر
لكنه أكيد
ح يعود فى امان
يا هو انا يا ليل
خلصوا المواويل
وحبيبي عنيد
مش راضى بيان



مريم

وانا تايه فى ليل الشوق .. بتألم
لمحت عيون بصوت الروح بتتكلم
.. أنا مريم
أنا بدر الليالي السود
أنا الحب اللى ماله حدود
انا عهد الهوى الغالي
انا قمر السما العالي
ينور بس للموعود
.. انا مريم
لقيت قلبى بيهجرني
ويسكن وحده ف عينيها
لقيت الروح بتأمرني
يضيع العمر وأرضيها

كأن هواها موصوف لى
كان دوايا ف ايديها
ولو غابت راح اتألم
صحيح إن الهوى مريم
وانا ف لهفة هوايا وحيد
داريت شوقي وحرماني
ح احبك من بعيد لبعيد
ما انا خايف اضيع تاني
واعيش وحدى مع التنهيد
وتجرحني .. وتنساني
لكن عجبى على قلبى
بيعلنها .. ويعصاني
يقول جرحى ده يوم فرحى
ومهما منها ح تألم
صحيح إن الهوى مريم
وعهد عليا يا قمري
مادام قلبى بيهواكى
تكون ليكى سنين عمرى

وعمرى ف يوم ما ح نساكي
لوح احلف بأحلى عيون
تأسرني بسحر الحب
وقلب .. حزن أم حنون
ما يعرف يوم خداع ولا كذب
شفاف .. وردة مالها غصون
وانا مجنون بحلم القرب
كأنك لوحه مرسومه
بأيد فنان ..
واحلى ما فيها لياليها
حنان وامان..
لا يقدر جن يرسمها
ولا إنسان ..
إله واحد ..
ومنه الكون بيتعلم
وانا عبده ..
وبعشق كلمته مريم

قبطية

انا مركب ..

فى بحر الحزن منسيه

انا دمعه ..

فى عيون الحب مصريه

واقول يمكن ف يوم أرسى

واقول يمكن ف يوم انسى

صحيح أقدر .. ترد الروح

وايه أملك انا فى

انا مركب ف بحر الحزن منسيه

وليه تسمح لأى عزول

يقول عنك انا مشغول

انا بهواك .. وتهواني

وجوه عينيك عنواني


ولو ح ابعء ..
ولو ح اعنء ..
تناءى الءب .. تلقانى
ورغم ءه كله مش لىا
انا مرءب ف بءر الءزن منسىه
كلمءىن قالهم زمانى
انسى ءبك .. ءب ءانى
رء قلبى بصوء كوانى
مهما اعىش ء اعشقاها هىه
مسلمه .. او يهوءىه
او ءكون للءنىا ءاىه
م السما اءمل هءىه
قلبى يا أءلى الءباىب
لىه بءسأل عن ءبىبءك
انء وىا الءلم ءاىب
هو ناسى مش ءارى بك
عن عىونك قلبه ءاىب
و باراءءه إءءار بىسببءك

عود يا قلبي تاني ليا
وانسى كل الدنيا ديا
وكفيانا نعيش قدرنا
نكون مركب ..
فى بحر الحزن منسيه
نكون دمعه ..
فى عيون الحب مصريه
أكون مسلم ..
وضى عينيا .. قبطية
مع ان حبك ..
لسه ساكن فى الضلوع
مع ان قلبي ..
لسه يتمنى الرجوع
مع ان عيني ..
لسه مالياها الدموع
لكن قراري .. تبعدى
.. ارحلي

ان ضاق الليل بأحزاني
وتلاشى النوم بأجفاني
واصبحت غريبا في اهلي
سيظل بقلبك .. عنواني
انا اقدر على اى جراح
انا اكبر من نهر دموع
انا اكثر واحد بيغني
على دقة قلبه المروع
تعالى نعيش وحدينا
فى جنة حدودها اسامينا
لا يقدر جن يدخلها
ولا انسان يلاقينا
فى حضن الليل قمر
سهران ينادينا
يعاتبنا على غيابنا
يفكرنا بأحبابنا
بنوره يدق على بابنا

ويندهنا بأسامينا
ح اسيب الشعر للشعرا
واقول احزاني بلساني
وح استني معاك بكره
اشوف راح تعمل ايه تاني
نجوم الليل وعدتها
وكل جراحي داريتها
وليه يا حب تنساني
وتتباهي بأحزاني
وانا روى ووجداني
فى كلمة حب غنتها
عمرى اللى فات
فرح وآهات ..
مرت سنين
مرت ساعات
ما يهم حتى الذكريات
انا يوم ما دق الحب بابي
يوم ميلادى ..

غرقت ف بحر الشوق حياتي
وضاع فؤادي ..
واخترت م العشاق مكاني
حكهم ..
واهتف انا فوق اعلى مبنى
ف حيهم ..
كل اللي عرفوا الحب قبلي
كلهم ..
مهما حبوا .. مهما غيرهم
حبهم ..
انا حبي فاق كل البشر والحدود
حتى الحجارة والبيوت
.. بحبهم




أمل

يا ملاك الحب .. يا حلمي الكبير
يا عبير الزهر .. يا صافى الغدير
كيف تنسى من تناسى فيك نفسه
يجمع الاشواك راض يشدوا بالشوق المرير
لم اكن أطلب ودادا او ميعادا أو لقاء
كان قلبي يرضى حتى بفراق الاصدقاء
رب لمس من يديكى تشفى جرحا قد أصابه
بل تركتى القلب تائه بين أرض وسماء
لا أبالى بحياتي طالما انتى بعيدا
تارة أشكو لحالى تارة أبكى وحيدا
هل وهبت الحب قلبي فأبى الاهداء قلبه
يقتل الاحلام فرحا يزرع الشوك سعيدا
جاء هاتف بخيالي إن قلب حبيبي خالى

فاذا بصوت بعقلي ان حاله مثل حالى
بل صديقا يرجو نصحا صادقا عما بحاله
تعرف الكلمات لحنا تحيا به كل آمالى
لم تكن عينه تريده .. لم يكن قلبه يحبه
ليس من تهواه نفسه ليس من يحيا بقربه
إنها تأسف له لم تكن تقصد خداعه
يالنار الاختيار بين أفرحي وكربه
ترقص الكلمات حزنا بين قلب وشفاه
الفؤاد يميل طربا .. ليس من يهواه لاه
اللسان يسيل شجنا كى يخفف عن صديقه
كل اوصالى تغني لم تكن ترجو سواه
وسوس الشك العتيق جاهلا هذا الصديق
كيف يعلم ما بقلبه .. ربما ضل الطريق
فتركت الحلم شاردا .. أسأل الايام عنه
يا حبيبا كذب ظنى .. أم من الهوى أفيق
كل صبح ومساؤه ينزف القلب الأنين
بين أشواق وخوف فوق أطياف الحنين

تحصد الساعات عمرى أستمده الروح منه
كفى عني يا ظنوني باسم كل العاشقين
يا إلهى هبني قلبا يعرف النسيان يوما
يا إلهى هبني قلبا يعرف النسيان يوما
يا إلهى كُن لي عوناً
حتى أرجع مثل عهدى
أوهب العشاق حبا .. تركع الاشواق طوعاً



بنتواعد

بنتواعد على لقانا
كأنه ف الحياه يومنا
ولما نلقى دنيانا
تموت احلامنا قدامنا
ف يوم ما صارحتها بحبي
وشوقها اللي أسر قلبي
قالتلى ان الحياه جنه
بعيشها لو تكون جنبي
وأتارينا ومش حاسين
بنتعاهد على فراقنا
ودوبنا ف حبنا ناسين
تخونا الدنيا .. تخذعنا
إنكسر فينا الحنين
انطوى أمل السنين

تنده الأحلام علينا
بس مين ح يرد مين
سنه م العمر عشناها
ف كلمة حب قلناها
وجوه القلب شلناها
غنوة لكل العاشقين
تنده الاحلام علينا
بس مين ح يرد مين
تسكن الأشواق نهاري
يحضن الحزن الليلي
حتى لو حاولت اداري
قلبي ..أروح منه فين
تنده الأحلام علينا
بس مين ح يرد مين
وانت ياغالي ناسينا
جارح القلب الحزين
انتى عينيا اللى بشوف بيها
انتى حياتي وكل ما فيها

شايك أهلى وأرضى وبلدى
شايك دنيا بعيش لياليها
راجع تانى للجنة
ومهما تغيبى ح استنى
نتعذب ..
ونتهنى ..

ما دام الشمس نسيانا
نعيش على ضى أحلامنا
الحب مالوش زمان ومكان
الحب أساس كل الأديان
وطن العشاق قلب المحبوب
وسماهم ود وشوق وحنان
تعالى نعيش وحدينا
ف جنة حدودها أسامينا
لا يقدر جن يدخلها
ولا انسان .. يلاقينا
يا دمعه ف عيني بتغني
يا نار نورها بيلهمني

يا ضحكة شفافية نسيها
اتوه فيها .. وألقاها
لحضن عينيكي تندهني



عاشق مغرور


انا مش قيس ..
ولا انتى ف الهوى ليلي
ولا عيونك ..
نجومي ف السما عالية

انا عارف حدود قلبي
وبرسلمه طريق الشوق
ولما يزيد عليه حبي
بأمرى لحظتين ويفوق

انا فاكر كلام قلتيه
عن الدنيا اللي ظلمانا
ولو تقدر ح نعمل إيه
كفاية الحب جوانا

ضحكت بعلو إحساسي
عبير .. يادنيتي وناسي
صحيح القلب يهواكي
ورغم البعد وياكى
لكن طبع الهوى قاسي
م انا مش قيس
ولا انتى ف الهوى ليلى
أمير قلبي ف دنيا الحب
وكان تاجه لياليكى
لكن لو يوم عرفتي الكذب
راح أنسى هواكي وعينيكي
ومش ح ابكى ولا ح اسهر
ولا شهدي ح يتمرر
وتاني ح اعيش وآلاقي حبيب
وعرش الحب مش ح يغيب
وتاجي يكون من المرمر

م انا مش قيس
ولا انتى ف الهوى ليلى
ولا عيونك
نجومى ف السما عالية
انا عارف حدود قلبي
وبرسمله طريق الشوق
ومهما يزيد عليه حبي
بأمر الله ف لحظه يفوق



وايه تانى ..؟

وايه تانى أنا محتاج
وانا وياك
عايش وحدي ف دنيا عينيك
وملك إيديك
وقلبي معاك
ف بحر عينيك أنا غرقان
لكن فرحان ومش قلقان
وعارف إني يوم ح اوصل
على رموشك لبر أمان
وآلاقي الفرحة سهرانه
ما دمت عشقت إنسانه
بقلب ملاك
وايه تانى انا محتاج
وانا وياك

وايه تانى ح يرضيني
يا نور عيني
يا نظرة شوق بتحييني
تخليني
أبيع الكل لجل هواك
وايه تانى أنا محتاج
وانا وياك
لكن يا أغلى من خانوا
سنين عمري عليك هانوا
نسيت شوقى نسيت حبي
نسيت حتى تكون جنبي
وانا ف جرحي وأحزانه
وليه ابكى على أسماء
ضاعت احلامي وياها
عبير عمري يضيع ف عيون
باعت أيامي برضاها
ح أعيش أبكى على ذكراك
وابات أحلم بذكراها

يا ريت أقدر ف يوم انساك
ياريتتي قدرت انساها
رجعت بعيد وأنا وياك
صبحت غريب ف دنياها
ويندهني الحنين ل هواك
وألوم نفسي .. وأسألها
وليه تانى انا وياك
وليه قلبي الحزين يهواك
مادام وردك
..... طرح أشواك



ارحل عني

ارحل بعيونك عن عمري

ارحل عني ..

ارحل بخداك عن زمني

كي ترحمني ..

لم أعد الطفل الموهوم

يلهو ببقايا كلماتك

يصنع من غدرك أغنية

ويبرر كل حماقاتك

الأول كان يطاردها

الثاني قلب مظلوم

الثالث حلم راودها


الرابع حب مكتوم

ألهذا الحد الحب ضرير

أم إن السحر بنظراتك

أخلفت لكي تلهو بقلبي
وتسمم عمري بأنفاسك
ارحل بنجومك عن ليلي
ارحل بعبيرك عن زهري
من أنت لأضع بكفيك
سنوات العمر بأكملها
ولأجلك انزل عن عرشي
وليالي الحب أبعثرها
ف الجنة أبني أحلاما
ف الدنيا انت تدمرها
أخلفت لكي تلهو بقلبي
أم روى بعينك تأسرها
إرحل بنجومك عن ليلي
ارحل بعبيرك عن زهري
كلماتك أحرف من كذب
تحمل إسمك
ووعودك مكر وخداعا
تبا وصفك

ما عاد الشعر بكلماتي
يرسم حبك
أخلفت لكي تلهو بقلبي
أم إن الغدر هو قلبك
إرحل عن وجهي بنظراتك
إرحل عن سمعي بكلماتك
إرحل عن أرضي بخطواتك
يكفيني جراحا من حبي
أخلفت لكي تلهو بقلبي
أم إن العشق .. هو ذنبي




شوق

عمري ما كنت أتصور يوم
إنى بحبك بالشوق ده
وان غبتي عليا ولو يوم
أفضل أكلم نفسي كده
عارف إن هواكى ف قلبي
وانى حبيبك مهما تخبي
لكن اللى عرفته الليله
ان عيونك اغلى حبايبي
وان غابت عني ولو يوم
ح افضل اكلم نفسي كده
ايوه صحيح حبيت من قبلك
ولا كنت اعرف انى ح اقبالك

ان كان قلبي قليل الحيله
روحي ما عرفت يوم غير حبك
ولا كانت تتصور يوم
إني بحبك بالشوق ده
ياما إتخيل قلبي زمان
إن البعد ده شئ بإيديا
حتى الاشواق الحرمان
ازاي تقدر تيجي عليا
وإتعلمت من الأحزان
أنسي ليالي الحب شوية
إنما نور الشوق خلاني
أنسى الماضي أعشق تاني
وكأني ف بعدك يا حبيبي
عرف الهوى سكتي ولقاني
ورجع عمري من النسيان

شایل األى سنینه هدیة
بیقدمها بکل حنان
لیکی یا عالیه یا ضی عینیا
کان لازم أتصور یوم
إنی عشقتک بالشوق ده
وان غبتی علیا ولویوم
أفضل أشکی لحالی کده




غدر

دلوقتي عرفتي إن حرام
نعشوق ايامنا وليالينا
دلوقتي بعدتي نسيتي قوام
أحلامنا الحلوه وأمانينا
كان فين الأسوة دى شايلها
أنا عمرى ف ليله ما ح انساها
اهو جانا اليوم اللى نخبي
عن بعض عيوننا وخطاويننا
العقل ذكاؤه بيخدعنا
القلب مشاعره بتكوينا
والدنيا إن كانت تجمعنا
من تانى البعد بيكينا
طب ليه بنعجل بجر احنا
وجراحنا أكيد راح تتاديننا

ما نسيب الرب اللى خلقنا
وعشقنا ف نوره يهدينا
يمكن ف الغيب راح يسعدنا
ويكون الحل على ايدينا
اهو جانا اليوم اللى نخبي
عن بعض عيوننا وخطاويننا
كان قلبي سفينة أحلامنا
وعيونى ف ايامنا جزيره
وإخترتي هوانا يحكمنا
وإخترتك ف جزيرتي أميرة
ودعينا يا عالم أسرارنا
ف قلوبنا الهوى كلمه أسيره
وف لحظه غدرتي بأشواقنا
إسمعي منى كلمه أخيره
كداب الحب اللى خدعنا
وف نوره اتعلمنا الحيره
كداب الشوق اللى جمعنا

وبيرسم ف عيوننا الغيره
وإن كان الكون راح يسمعنا
ح نقول حبنا غلطة كبيره
دلوقتي ارتحتي يا حبيبتني
أنا بعث هواكي وجزيرتي
ما دمتي عرفتي
ان حرام نعشق أيامنا
وليالينا ..
وف لحظة غدرتي
نسيتني قوام احلامنا الحلوه
وأمانينا ..
اهو جانا اليوم اللي نخبي
عن بعض عيوننا وخطاويننا



حكايتنا ...

حكايتنا تعالي معايا نحكيها
حكايتنا لكل الناس بنهديها
نقول أفرحنا .. ودموعنا
نقول والناس .. ح تسمعنا
وتعرف مين غدر فيها
حكايتنا .. تعالي معايا
نحكيها ..

قابلتك نجمه سهرانه
ف دنيا شمسها غايبه
وعمرك ورده عطشانه
على غصن الهوى دايبه
وكنتي .. بس إنسانه
واحلامها حاجات خايبه
وقلت يا قلبي داويها

حكايتنا ..

تعالى معايا نحكيها
بنور عمرى صبح ليلك
نهار تحلم تشوفوا عيون
رويت غصنك وحببتك
بشوق العاشق المجنون
وف عيوني بنيت حلمك
وبايدى الخيال بيكون
قصيدة حب لعينيهما

حكايتنا ..

تعالى معايا نحكيها
وكان حالى وده حالك
هويتك ..وانت حبتتى
واخلصت ف هواك وانت
ف لحظة غدر هدتتى
يا إنسانه ..

أنا آسف نسيت إسمك
ح أناديكى انا بوصفك

يا غداره ..
بشمسي وحي و عيوني
أنا راحل ..
لا عارف ليه خدعتيني
ولا سائل ..
وعودى نجمة سهرانه
عيونك مش ف أحلامي
وعودي وردة عطشانه
وشوقى يعود لأنغامي
ومهما تعودي ندمانه
مكانك مش ف أيامي
حروف شعري عليكى كتير
ما تستاهليش معانيها
وقلبي اللى ف هواكى أسير
ح أفك قيوده وأرميها
يعود تاني .. لعرشه أمير
وأشوف الحسره ف عينيها

فى دنيتنا ..
بنيت أحلام هجرتها
حكائتنا ..
أنا وحدى راح انهيها
كلامك مش ف غنوتنا
ولا غدرك ف جنتنا
وليه أحكي حكائتنا
خسارة فيكي احكيها
حكائتنا ..
راح انساها وتنسيها
حكائتنا ..
لدنيا الحزن بهديها



كذاب ...

قبل ما حبي يهون على قلبك
عشت معاكي ف أحلى عذاب
ورضيت أنسى الدنيا واحبك
وعشقتك من غير أسباب
قبل ما حبي يهون على قلبك
كنتى معايا ف كل مكان
قبل ما حبي يهون على قلبك
كنتى أميرة لكل زمان
كنتى النور اللى بيهديني
ف ليل القسوة والحرمان
كنتى النبع اللى بيرويني
لما يكون قلبي عطشان
قبل ما حبي يهون على قلبك
كنتى سمايا وأرضى كمان

كنتى.. وكانت دنيتي حلوه
ضعتي وضاعت مني الغنوة
.. ليه القسوه

ليه الدنيا تقسى عليا
بعد ما كانت ملك ايديا
ليه الغدر يبكي عينا
بعد ما كان الفرح ماليها
ليل الحزن يغطي حياتي
بعد ما قمر ك باع لياليها
ليه يا حبيبي تفوت أحلامي
وانت يا غالي كل ما فيها
ليه الماضي يعود من تاني
ويملى زماني جراح وعذاب
قلبي خدعني لحبك باعني
وحبك كان ف الأصل سراب
وبعد ده كله بحن إليها
ليه يا زماني عشقت عينيها

قبل ما حبي يهون على قلبك
عشت معاكي أحلى عذاب
بعد ما حبك هان على قلبي
بندم إني هويت .. كداب



سلامتک حبيبي ...

حبيبي حياتي يا روجي أنا
يا ساكن ف قلبي بقالك سنه
يا قدرى ونصيبي
وجرحى وطبيبي
سلامتک حبيبي ياريت كنت أنا
ليالي يا غالي عيونك بعيد
وشاغل خيالي وقلبك عنيد
وبحلم تعود يا شمس الوجود
وأملى ف بكرة وحلمى الوحيد
تعيش بين ضلوعى وتسكن هنا
سلامتک حبيبي ياريت كنت أنا
حاولتى تخبى عليا الآلام
كأن اللى بنا كلام مش غرام

وأهه فى قلبك تنادي مكاني
وأه من شفائك تزلزل زماني
لقتني كأني حمامة سلام
بتطوي بجناحها البلاد والبشر
بتبكي ودموعها بتنزل مطر
حبيبي ف خطر حبيبي انكسر
وكانت معايا .. بتسمع ندايا
ف لحظة حزينه رسمها القدر
عيونوا شموعي ف ليلي الحزين
دواه لو دموعى راح ابكى سنين
دواه لو بعمرى .. أبيعته أنا
واعود لك بروحى
يا بلسم جروحي
واقولك سلامتك ..يا ريتني أنا
سلامتك حبيبي يا ريت كنت أنا

إن ضاق الليل ..

إن ضاق الليل بأحزاني
وتلاشى النوم بأجفاني
وصبحت غريبا في أهلي
سيظل بقلبك عنواني
كثير عليكي
تسمعي مر الكلام
كثير عليكي
تسكني قلب الالام
كثير عليكي
تسهرى والناس تنام
لكن ف يوم راح توصلي
إتحلمي

دموعي حروف بجمعها
ف كلمه الخوف بيمنعها
لكني ح اقولها واسمعها
.. وحشتيني
بقالي كثير بعيد عنك
وقلبي هجرني و ف حضنك
وبإيديا كتبت اسمك
.. على جبيني
يا نسمة شوق منديه
يا ورده غصونها حنيه
ياجنة حب ورديه
.. ونور عيني
وليه نندم على أحباب
فاتونا .. ولا فوتناهم
سنين عاشت على دموعنا
سامحناهم .. وعشناهم

هو إيه فى الكون حقيقي
ممکن أعرف يا صديقى
إنت ويايا ف طريقي
ولا أنا نفسي سراب
ظلمتيني أنا وقلبي ليالي زمان
وبعتيني ف لحظة قسوة للحرمان
وكان حبك أسير الصمت والكتمان
.. وده ذنبك

لكن أول ما قولتي الآه
بصوت كان الألم جواه
لقيت كل اللي فات بنسأه
وكان لازم أكون إنسان
.. وبيحبك

أبحث عن ملهمة أخرى
تملك قلبي بين ضلوعي
أبحث عن ملهمة أخرى
كى اعلن للشعر رجوعي
أبحث عنها بكل مكان

أبحث عنها فى الأحران
علي أجدها بين دموعي
محرابي فى دنيا الحب ..
القلب العاصى يناديكي ..
سقطت كافة أقنعة الكذب ..
قد كانت يوما تحميكي ..
وتلاشى الزيف الخداع ..
أدركت الآن مرارة من يهوى الأحجار ..
قلب مهجور ..
تملؤه الظلمة والأخطار ..
فى جسد خال من الوجدان ..
أما العينان ..
كهفان من الغدر الخالص ..
يعلوها بريق الثعبان ..
تحرسها سيوف مسمومه ..
وجفون ذابت من أزمان
وشفاه تطلق أصواتا ..
ك الحية ما بين الأغصان ..

يحسبها العاشق لحن نسيم
أو أنة غصن ظمآن ..
وبكل الحب يناديها ..
ويمد يديه يواسيها ..
تنقض عليه كما البركان ..
وتدس السم بأوصاله
.. وتبث الشك بأفكاره
.. ف تشب النار بأشعاره
تتركه بقايا إنسان

يدعى

محمود رشوان

أسكنني الحب بعينيكي
ف صبحت سجين الأشواق
وانادى .. تردد شفتيكي
ازداد بأسري العشاق
يا من يملكني هواها
لن تشرق شمس سواها

ف حياتي ظلام من قبلك
والآن ضياؤك يملأها
يا حبيبا يملك نبضاتي
يحتضن فؤادي بكفيه
بسماتي منه وآهاتي
ووهبت حياتي لعينيه
يا ليل الحزن إهجرني
ف سعادة عمري تنادي
حبيبي الغالي يأمرني
وإطيع بعقلي وفؤادي
بتمنى أموت
ولا انى اشوفك بين ايديه
بتمنى اموت
ولا ينقل بابك عليه
بتمنى اموت
قبل حضنك ما يناديه

مع إني عاشق ضحكك
واتمنى تكمل فرحتك
ان كان وجودي ف دنيتك
يصعب عليه
بتمنى اموت
وسافرت بعيد عن احزاني
إخترت أكون إنسان تاني
أهرب من قلبي ومن حبي
من شوقى وقسوة حرمانى
نفسى أنادى عمرى تاني
وألقى أيامى تناديني
قلبي عاشق مش أناني
فرحته لما تلاقيني
وألقى ف عيونك نهارى
جوه حضنك ح ابني دارى
واسكن الأحلام وأدارى

بين شفائك نور سنيني
وأنسى كل اللي افكرته
من عذاب ف الحب عشته
وإشترى كل اللي بعته
قبل ما عينكي تداويني
وحتى الموت ما يبعدني
ولا يقدر ينسيني
وحتى الموت ما يمنعني
أفكر فيك يا نور عيني
وإيه ف الدنيا يشغلني
وإيه ف الجنه يرضيني
غير انى ألقاك يا روح قلبي
لحضن هواك تنادينني
وحتى الموت ما يبعدني
ولا عنك .. ح يلهيني
بتخاف عليه ..
بتغير عليه ..

مشتاقه نظرة من عينيه
وإن غاب عليها بتناديه
بتحن لبيه ..
وأسألها ليه ..
تسألني لسه بحبها
عايزاني ليه
أشتاق لها
نسيّنتي ..
قلبي حسها
شايف ف عينها
شوقها لبيه
.. وأسألها ليه
مين اللي محتاج
ردها
أنا ياما كتبت كلام كذاب
عن شوقى وحبى وهو ايا
ووصفت الجنة للأحباب

وانا شائل ناری جوایا
صدقني كثير وخذعت كثير
وكتير بتمنى انى ألقاها
ح يقولوا أسماء ويقولوا عبير
انا عارف مين قلبي معاها
وتعيش من بعدى سنين
ف عذاب
واهو كله يا قلبي كلام
كذاب
مالهوش لا بدايه ولا نهايه
أنا يوم ما ناديت أحلامي لقيت
أيامي بتتحكم فيا ..
وبنيت ف خيالي جزيرة وبيت
وحبيبه شايفها بعينيه
وتعيش ف حكايه من الحواديت
ويكون أبطالها أنا وهي
ومعانا ولدين
يوسف وياسين

بينادوا عليها وعليا
وف لحظة لقيت أحلامي سراب
واهو كله يا قلبي كلام
كداب ملهوش لا بدايه ولا نهايه
كنت فاكر اني فارس
الحياه و الحب فرسي
والحقيقة لقيتني عاشق
لما اشوفك بنسى نفسي
شايفك اميرة دنيتي
شايفك على باب جنتي
و لو يوم كتبت قصتي ..
ح ابدأ باسمك مش أنا
لو الايام خدت مني
ابويا و امي وياها
كفاية عليا احلامي
بلاقي عنكي ساكناها ..
بحبك و انتي سهرانة
بحبك و انتي نعلانة

بحب عنيكى ترويني
كانى وردة عطشانة
بحبك .. و انتى فاكرانى
بحبك .. و انتى نسيانى
بحب اتمنى و استنى
تعودي لحضنى من تانى
مش لاقى كلام ممكن يوصفك اشواقى
صدقنى حبيبي .. انا مش لاقى
غير انى فى بعدك شجرة حزن
.. و بتسقط منى اوراقى
اغيب عنك تنادينى
عيونى لحضن ايامك
و لو تنده تلاقينى ..
أمير فوق عرش احلامك
مهما طال البعد شايلك
جوه قلبى و بين جفونى
مهما زعلتيني منك ..
انتى روحى و نور عيونى

المحتويات

الإهداء.....	٣
دموع خلف جبال الحزن.....	٥
حوار مع القلب.....	١٣
أسماء .. عودة الروح.....	١٧
هالة.....	٢٣
ما تصدقيش.....	٢٥
مريم.....	٢٨
قبطية.....	٣١
أمل.....	٣٧
بنتواعد.....	٤٠
عاشق مغرور.....	٤٤
وايه تانى ..؟.....	٤٧
ارحل عني.....	٥٠
شوق.....	٥٣

٥٦	غدر
٥٩	حكايتنا
٦٣	كذاب
٦٦	سلامتك حبيبي
٦٨	إن ضاق الليل



الليل سهران
مشغول حيران
ماهو قمره بعيد
وعليه قلقان ..



الليل يفكر
يمكن يتأخر
لكنهم اكيد
ح يعود ف أمان

ياهوانا ياليل
خلصوا المواويل
وحبيبي عنيد
مش راضي يبان



01061635162

تصميم منى شومان